



COMUNE DE PUTUMAJORE
PROVÌNTZIA DE TÀTARI

ORDINÀNTNZIA DE SU

SÌNDIGU N. 8/9 DE SU 26-03-2021

OGETU: Emergèntzia sanitària dae COVID-19 – Mesuras istraordinàrias e urgentes de cuntrastu e preventzione a sa difusione de s’epidemia dae Covid-19 in su territòriu comunale dae su 27de martzu 2021 a su 06 de abriale de su 2021 inclusu.

SU SÌNDIGU

BIDA sa deccaratzione de s’Organizatzione Mondiale de sa Sanidade de s’11.03.2020 cun sa cale s’epidemia dae COVID-19 est istada valutada comente “*pandemia*” in consideru de sos livellos de difusividade e gravidade annantos a livellu globale;

BIDA sa normativa in vigèntzia in matèria, chi giughet mesuras urgentes pro fàghere fronte a s’emergèntzia epidemiologica dae COVID-19”;

CONSIDERADU s’evoluzione de sa situazione epidemiologica a livellu natzionale e internatzionale e su caràtere difusivu a manera particolare de s’epidemia dae Covid-19 puru in su territòriu regionale;

LEADU ATU de sa situatzione attuale de sa pandemia, cun caràtere de difusividade arta puru in su territòriu comunale, cun pessones medas positivas a su virus Sars CoV-2 in pagu tempus, relevados leende visione de s’elencu de sos casos positivos a su Covid-19 estratu oe dae sa paitaforma regionale de s’ATS Sardinia;

CONSIDERADU chi custa ordinàntzia at comente punna de caràtere generale de evitare chi sa gente istet a muntone e, prus in generale, de evitare onni dàbile occasione de contàgiu chi non torret a esigèntzias ispezificas e chi non si podent transire o a un’istadu de netzessidade particolare;

RITÈNNIDU ùtile e netzessàriu garantire unu livellu artu de amparu e de distanziamentu sotziale pro cuntènnere sa difusione de s’epidemia mentovada in su territòriu de su Comune de Putumajore;

RITÈNNIDU chi siat netzessàriu como prus che mai sighire a àere atenzione, pro adotare trastes eficatzes in relata a sas peculiaridades chi caraterizant custu territòriu, e chi pònnere in atu cumpportamentos non responsàbiles cumprumitat in cuncretu sa ripresa disigiada de sas atividades e de torrare a bellu a bellu a sa normalidade, in su respetu de sos protocollos e de sas linias guida natzionales;

RELEVADU chi pro minimare sa difusione de s’emergèntzia de s’epidemia e puru pro amparare sa tzitadinàntzia prus debile, diventat prus che mai essenziale pònnere in campu àteras atziones finalizadas a minimare su contàgiu;

RELEVADU chi est netzessàriu pònnere in campu atziones prus mannas pro evitare sos cuntatos tra pessones, e pro custu est fondamentale afortiare s’impitu de sas maschereddas puru in logu abertu, in sos tretos de pertinèntzia de sos logos e locales abertos a su pùblicu e puru in sos tretos pùblicos in ue non si potzat evitare chi sa gente istet a muntone puru si a manera ispontànea e ocasionale;

ATESU chi s'Autoridade Sanitària de su Dipartimentu de Preventzione de s'ATS de Tàtari bidende sa difusione sghida de sos cuntàgios noos a intro de sa comunidade de Putumajore, cunsiderat netzessàriu afortiare sas mesuras de cuntenuimentu respetu a cussas giai apostivigadas dae su ministèriu de sa Salute pro sa Regione Sàrdigna pro unu perìodu no inferiore a 11 dies;

COMUNICADA s'adotzione de custu providimentu a su Prefetu de Tàtari e a s'Assessoradu Regionale a sa Sanidade;

RECRAMADU su D.Lgs. n. 267/2000 in sa parte in ue disciplinat sos mandos de su Sindigu, e in particolare s'art. 50 comma 5 de su mentovadu Decretu, a mente de su cale "In particolare, in casu de emergèntzias sanitàrias o de igiene pùblica a càrtere solu locale sas ordinàntzias netzessàrias e urgentes sunt adotadas dae su Sindigu, comente rapresentante de sa comunidade locale";

BIDU s'art. 32 de sa Lege 833/1978 chi atribuit a su Sindigu, in calidade de Autoridade Locale, cumpetèntzias in matèria de adotzione de sos provvedimenti a amparu de sa salute pùblica;

BIDU s'art. 1 comma 5 de su D.L. 13.03.2021 n. 30, chi istituit sa zona ruja in sas dies de su 3, 4 e 5 abriale de su 2021 in totu su territòriu natzionale;

ÒRDINAT

Chi dae sas 00:01 de sàbadu 27 e martzu de su 2021 e finas a sas 24:00 de martis 06 de abriale de su 2021:

- **Proibizione de essire dae su domitzìliu-residèntzia pròpiu, a fora de iscostiamentos motivados dae esigèntzias de traballu cumproadas, dae situatziones de netzessidade o pro resones de salute, est possibile andare a sas segundas domos puru a fora de sa regione (solu proprietàriu/pesonante e sos parentes chi bivent cun issu);**
- **Est proibidu onni iscostiamentu dae e pro su Comune de Putumajore, a fora de esigèntzias de traballu, situatziones de netzessidade o pro resones de salute cumproadas e motivadas, inclusas sas atividades de istùdiu, situatziones de netzessidade o pro motivos de salute. Est cunsentidu de torrare a su domitzìliu, domo o residèntzia pròpia;**
- **Sa serrada de totu sos esertitzios pùblicos (Tzilleris, ristoranti, locales, "pub", gelaterias e pasticcerias, etz.) cun proibizione de bèndida de "asporto". Pro sas atividades mentovadas est cunsentida solu sa cunsigna a domitzìliu de su consumadore;**
- **Serrada de sos servìtzios a sa persona (Parruchieris, arveris, estetistas, etz);**
- **Serrada de totu sos esertitzios cummertziales, a fora de sas atividades de bèndida de generes alimentares e de prima netzessidade, siat in s'àmbitu de sos esertitzios cummertziales de bighinadu siat in s'àmbitu de sa distributzione mesana e manna a fora de sas atividades de bèndida de produtos agrìcolos e de frores e prantas, e puru de atividades de lavanderias e tintorias;**
- **Ant a restare abertos sos istangos, sos chi bendent sos giornales e sa potecària;**
- **Serrada a su pùblicu de àreas de giogu, giardinis pùblicos o àteros logos pùblicos inclusas sas àreas e sos campos isportivos;**
- **Sessada de sas atividades isportivas amatoriales a intro de sas istruturas comunales, est cunsentidu a fàghere atividade motòria a sa sola a curtzu a sa domo pròpia bastat chi siat semper e cando in su respetu de a su mancus de unu metro dae onni àtera persone e cun s'òbligu de impitu de dispositivos de amparu de sas bias respiratòrias. Est puru cunsentidu s'acumprida de atividade isportiva solu in logu abertu e a sa sola in su respetu de sa distàntzia de a su mancus duos metros;**

- **Serrada a su pùblicu de su campusantu comunale;**
- **Serrada a su pùblicu de sa Domo Comunale, su pùblicu at a pòdere èssere retzidu pro urgèntzias cumproadas e atividades chi non si podent transire solu si si leat in antis un'apuntamentu telefònicu;**
- **Suspensione de sas atividades didàticas in presèntzia in totu sas iscolas de omni òrdine e gradu, inclusas sas iscolas de s'infàntzia e elementares presentes in su territòriu comunale, abarrende frimma sa possibilidade de fàghere atividades in presèntzia pro sos alunnos cun disabilitàes e cun bisòngios educativos ispetziales;**
- **Serrada a su pùblicu de sa biblioteca comunale;**
- **Suspensione de su cummèrtziu ambulante e de su mercadu chi si faghet omni chida;**
- **Respetu de sas règulas chi pertocant su distantziamentu sotziale, s'igiene personale e de sos ambientes de vida e de traballu;**
- **Òbligu de impreare subra de totu su territòriu e pro tota die dispositivos de protètzione de sas bias aèreas puru in logu abertu, in sos tretos de pertinèntzia de sos logos e locales abertos a su pùblicu e in sos logos pùblicos in ue pro sas caraterìsticas físicas siat prus fàtzile chi sa gente istet a muntone puru a manera ispontànea e/o ocasionale, non sunt sugetos a s'òbligu sos pitzinnos prus minores de ses annos, e puru sos sugetos cun formas de disabilitàes;**
- **Òbligu de evitare semper chi sa gente istet a muntone;**
- **Pro cussu chi no est prevìdidu a manera espressa dae custa ordinàntzia, si rinviat a manera integrale a sa normativa istatale chi disciplinat sas gasi naradas zonas rujas.**

DISPONET

Custa ordinàntzia est publicada a s'Albu Pretòriu online, in sas formas de lege, in su giassu de su Comune, divulgada cun sos canales de comunicatzione istituzionale e est trasmìtida pro ammaniare sos atos de cumpetèntzia pròpia e a su controllu subra de s'osservàntzia e puru pro connoschèntzia oportuna:

- A sa Prefetura de Tàtari;
- A sa Cuestura de Tàtari;
- A s'Assessoradu de s'Igiene e Sanidade e de s'Assistèntzia Sotziale R.A.S.;
- A su Dipartimentu de Preventzione de s'ATS de Tàtari;
- A su Dirigente iscolàsticu de s'Istitutu Comprensivu de Putumajore;
- A su Dirigente iscolàsticu de su Liceo Iscientificu de Putumajore;
- A su Cumandu Istatzione de sos Carabineris de Putumajore;
- A su Cumandu de Polizia Locale de Putumajore;
- A sa Cumpangia Barrantzellare de Putumajore;
- A su Responsàbile de sa Biblioteca comunale;
- A su Custode de su Campusantu Comunale de Putumajore;

Est fatu òbligu a chie si siat tochet de respetare e fàghere respetare custa Ordinàntzia.

AVISAT

Sos sugetos chi no ant a respetare custas measuras de cuntenimentu anti-coronavirus ant a èssere punidos cun sas sanziones prevìdidas dae sas normas natzionales chi sunt como in vigèntzia pro sas Regiones consideradas in zona ruja;

Sa violatzione de custa ordinàntzia est, puru, punidas cunforma a su comma 7-bis, art. 50 de su D.Lgs. 267/2000.

INFORMAT

Contra a custa Ordinàntzia, intro de 60 dies dae sa publicatzione, podet èssere postu ricursu a su T.A.R. competente pro territòriu, o puru, in alternativa, intro de 120 dies podet èssere postu ricursu istraordinàriu a su Presidente de sa Repùblica.

Dae sa domo comunale, 26-03-2021

Su Sìndigu

F.du Seg. Mariano Soro

Su sutascritu responsàbile de su servìtziu de sas publicatziones chi ant efetu de publitzidade legale, bidos sos atos de ufìtziu;

A T E S T A T

Chi custu atu est istadu publicadu, dae su 26-03-2021 a su 10-04-2021 in su giassu web istituzionale de custu Comune atzessibile a su pùblicu (*art. 32, comma 1, de sa lege de su 18 de làmpadas de su 2009, n. 69*).

Putumajore, 26-03-2021

Su Sìndigu

F.du Seg. Mariano Soro

Est còpia cunforme a s'originale de impreare pro impitu amministrativu.

Putumajore, 26-03-2021

Su Sìndigu

Seg. Mariano Soro